

3

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY


UNIVERSAL

MAR 31 1959

1-72252.8/3059

洞庭秦氏宗譜

第三
傳記
墓銘



秦氏二隱君家傳

洞庭擅七十二峯之勝中多隱君子而以伯仲伯隱
者則有秦氏成德成良二君焉成德名鴻成良名鵬
其先自淮海先生以文章氣節名天下為高郵望族
子處度公通判常州始遷昆陵至益之公再遷洞庭
二傳為元德公淳祐丁未進士尚娥明郡主授編修
封駙馬都尉元德公有三子長即隱君之父宋亡父
及仲父已先歿季父孝義殉節死兄弟相謂曰吾家

秦氏二隱君家傳

洞庭擅七十二峯之勝中多隱君子而以伯仲偕隱者則有秦氏成德成良二君焉成德名鴻成良名鵬其先自淮海先生以文章氣節名天下爲高郵望族子處度公通判常州始遷毘陵至益之公再遷洞庭二傳爲元德公淳祐丁未進士尙娥明郡主授編修封駙馬都尉元德公有三子長卽隱君之父宋亡父及仲父已先歿季父孝義殉節死兄弟相謂曰吾家

累代受國恩無臣二姓理遂隱居山僻布袍草履嘯
詠自得人咸知爲有道之士初成德居親喪哀毀骨
立絕而復蘇旣葬偕其弟廬墓旁祭祀必懸像泣拜
終其身常然成德僅一子素羸弱一日病篤成德焦
思計無出成良於夜靜詣家祠默祝曰某有二子請
以一子代病者忽夢有人撫其胸汗流遂愈二君克
敦內行又如此予與二君同鄉里交最密故知之甚
悉孔子曰惟孝友于兄弟是亦爲政然則人第勉於
孝弟而已勢位富厚固不足以語隱君子也成德娶
沈氏子一人成良娶沈氏子二人
大德十一年石澗老人俞琰譔

秦廷彩先生傳

先生姓秦名鳳廷彩其字也系出淮海先生後卽宋駙馬名儀之孫也先生父諱孝光伯父諱孝懋俱壯歲不祿叔父孝義侗儻有大節初隨諸王所及宋亡同溺於海先生悲宋之亡且痛叔之以身殉國難也往往追諸舊事轍嗚咽久之先生夙稟穎異博覽羣籍腹笥便便恒不欲自炫也又自以金書鐵券係宋外戚故國難忘常詳述祖德以訓諭子姪輩終其身

絕意仕進自號有宋遺民築室祖墓之傍種竹繞廬
竹筠色似黃金爲作金竹書院有梅月草堂白雲窩
聽秋軒天倫樓臨平多景亭諸勝晨夕偕乃弟祥符
行雲嘯咏其間雍容一堂洵天倫樂事也春秋多暇
每約虞訥許燧諸君子探奇林屋作詩古絕之迨我
皇元定鼎中外渾一溫詔屢下求宋遺賢郡縣輒首
舉先生先生笑而不答誦考槃三章以應之蓋先生
貞節自矢終始不渝黃冠故鄉之志直欲希風文丞
相焉山中人蓋莫識也綱目書晉處士陶潛卒今如
先生者倘亦其流亞歟 孟頫 附先生姍末先生之冢
媳乃 孟頫 之從祖姑也憶幼隨諸父往謁祖姑得一
登梅月草堂先生屢目 孟頫 以小友呼之 孟頫 亦竊
喜自負祖姑時來家縷述先生平居志行 孟頫 幸默
識之因誌其一生梗概如此吳興趙孟頫拜譔

有宋遺民秦隱君者淮海先生觀之後也諱鳳字祥
 符淮海籍高郵子湛通判常州始遷毘陵三傳而有
 諱宗邁者再遷吾洞庭即君之高祖也又二傳而為
 翰林公諱儀宋淳祐進士尚郡主卒賜隧合葬縹緲
 峰陽君之祖也翰林有三子孝懋孝光孝義君為孝
 光仲子宋亡考及伯孝懋前沒叔孝義殉國難兄鳳
 守祖遺金書玉券以晉陶處士自期勒銘白雲窩中
 登辨民草堂先生真目
 感不
 先生皆自本其氣
 山中人蓋莫辨也
 目書晉
 士國
 卒今

秦隱君傳

有宋遺民秦隱君者淮海先生觀之後也諱鳳字祥
 符淮海籍高郵子湛通判常州始遷毘陵三傳而有
 諱宗邁者再遷吾洞庭即君之高祖也又二傳而為
 翰林公諱儀宋淳祐進士尚郡主卒賜隧合葬縹緲
 峰陽君之祖也翰林有三子孝懋孝光孝義君為孝
 光仲子宋亡考及伯孝懋前沒叔孝義殉國難兄鳳
 守祖遺金書玉券以晉陶處士自期勒銘白雲窩中

遺賢虞訥許熈輩爲之作讚君少有志略駿偉雄杰
慨然以用世自許乃遭時變不克一展其才痛祖父
受宋世賞無臣二姓理爰杜門不出時宋亡未久故
老遺黎猶有存者如吾祖玉吾先生暨陳君子微以
逮長洲袁君通甫陸君靜遠常熟王君君璋崑山盧
君彥達諸人時時過從慷慨歎噓情不能已或縱游
臨安覽山川城郭必徘徊躑躅數月不歸歲時伏臘
懸鄭所南畫蘭一軸與之相對雖有詩歌常慘沮不

樂篤志古學精思積年擬作易測及太元測靈等書
旋亦隨手散失無一存者晚年以司空表聖自况爲
生壙坐卧其中與兄一期晉處士一况唐隱士並有
千古

論曰隱君與吾大父交故先大人猶及見之聞其論
易言用九用六爲乾坤始終非指卦變又曰乾天也
以上卦爲主坤地也以下卦爲主皆前人所未發無
論其用世之才未展卽其抱遺經而究始終亦可以

名當時而傳後世乃以身焉用文俱歸無有噫亦足
悲矣然吾曠觀往古見夫巖穴之士雖長往不返不
能不與世相接故谷口子真蜀之君平皆與楊子雲
交稱此二人用能名震天下隱君之心豈有是哉大
懼名之一字留於天壤故入山惟恐不深沒世不稱
而不悔也雖然天下事往往約而愈顯晦而益彰逃
名而名隨之傳記所載亦不可勝數余疾夫世之驚
榮顯而盜虛名者故特爲隱君作傳使余文而幸傳
後之讀者必將重欷累歎憑弔而不能已彼一時之
榮顯固將與草木同腐而寂寂無聞者反得有以表
見於世韓子有云根之茂者其實遂膏之沃者其光
顯然則士之修德勵行者果又何傍徨卻顧而慮後
世之不傳也耶洪武丙子知樂昌都昌兩縣事立庵
俞貞木撰

名實時而傳後世乃以身爲用先公爲
君其季也叔孝義無子以君爲嗣崖山之敗考及伯
林院編修尙娥明郡主卒賜隧葬考諱孝光生子三
無所不讀凡上下古今成敗洞悉源委喜吟詠沈雄
孝懋前沒叔殉國難君悲號慟哭誓不欲生君於書
君其季也叔孝義無子以君爲嗣崖山之敗考及伯
林院編修尙娥明郡主卒賜隧葬考諱孝光生子三
無所不讀凡上下古今成敗洞悉源委喜吟詠沈雄
孝懋前沒叔殉國難君悲號慟哭誓不欲生君於書

秦行雲公傳

洞庭縹緲峯之陽有逸士焉余嘗歌詠陰嘯留連不
忍去者則秦君諱鸞字祥禎而號行雲者也秦君爲
人廓然有大志惜不爲世用君六父諱儀理宗朝翰
林院編修尙娥明郡主卒賜隧葬考諱孝光生子三
無所不讀凡上下古今成敗洞悉源委喜吟詠沈雄
孝懋前沒叔殉國難君悲號慟哭誓不欲生君於書

悲壯極抑鬱不平之氣生平慎交與惟余與虞君諱
訥許君諱燧駕扁舟沂太湖直抵草堂款留信宿酒
酣語晉淵明及唐司空表聖事謂得出處之正蓋君
之行詣若相符也後君沒而虞許二人亦相繼徂謝
嗚呼余之知交零落盡矣他日者探林屋之幽奇訪
包山之秘奧風物猶存哲人已渺回憶夕陽古道猶
想見其澆酒塊壘時也嗚呼傷哉鐵崖楊維禎誤

處士漢賢秦君墓銘

處士漢賢秦君墓銘

處士諱隆字漢賢生洪武癸酉五月十有三日卒景
泰丙子十一月朔壽六十有四其子遠卜於天順戊
寅口月辛酉日奉柩葬于邑之三十五都茅泉陽附
先塋之次其友鄭謙叔爲之行狀而余爲之銘焉秦
氏山中望族書禮家聲曾祖惠一祖盛甫父叔寶皆
隱弗彰母吳氏有賢德處士姿性凝重不戀奢華
口不出非禮之言行不蹈非禮之行事親以孝待人

以誠好讀書早歲游府庠宗族往來外不妄與人交
 接壯年遍遊名區達荆楚遡蒼梧涉瀟湘見聞愈廣
 胸次浩然歸里後濟貧乏輯家乘益以見處士之用
 心焉晚年謝人事築室於居之右曰與二三知己詩
 酒權譎淵然有陶徵士之風焉處士之樂可謂樂矣
 處士配楊氏生子二長曰遠娶周氏次曰迪娶吳氏
 長女適王忠次女適徐倫孫男二瓊娶吳氏瑤娶鳳
 氏嗚呼處士之善行如此故其卒也遠近聞之無不
 爲之悲悼云銘曰

漢賢秦君 濬哲發祥 修身修德 令聞有彰

纘前裕後 休有烈光 遐登卜兆 惟山之陽

宜爾孫子 芝蘭是芳 銘以鐫石 嗣續永昌

天順二年孟秋月日

朝列大夫陝西等處承宣布政使司右參議郭璘拜

撰

畏齋秦恩之生礦石銘小凡望日秦亦自對

畏齋名宥字恩之姓秦氏世居消夏灣西秦里族濟
仁鄉考勉三妣鄭氏生宥長出質遷以資斧失其利
至成化丁未歸訓鄉童求讀聖賢書識聖賢事雖兀
兀窮年失于記問終不免鄉人讀論語至君子有三
畏竊號畏齋思爲終身謹獨之戒人或知之亦稱爲
畏齋家素貧雖粗衣糲食未嘗不自足性懦怯雖一
言一行不敢盡所有故外侮寡親所配室人馬氏卒

繼吳氏前後所生四男亦安分各適所宜男長準馬
出娶顧氏次卓阜草孫男三曰子仁曰子孝曰子良
皆長男準出吾今年七十三屈指百年去前不遠乃
爲自作生壙于秦家塢祖塋西次以合先馬妻之兆
用保歸全復述平身之概刻石爲銘以其情實其銘
曰由時由命謹始謹終其于出天地聖人之道廣大
而微者則莫我敢窮

嘉靖十二年歲次癸巳七月望日秦宥自撰

秦君堯齋墓誌銘

君姓秦氏諱仁字萬賢堯齋其號也先世高郵人有
通判常州者徙毘陵之秦村又數傳而再徙吳之洞
庭聚族縹緲峰下逮君已十三世矣故其地名秦家
堡云祖習藝父彥清咸有潛德君生而端慤寡言笑
幼喪母事父至孝好讀書然家貧不能卒業嘗受書
至酒誥肇牽車牛云云曰是豈不足爲養乎乃請於
父曰守此坐飢寒耳願棄而徙業也乃東之齊魯出

大梁不遇蓋君長者賈民詭變百出性非所習耳復南浮沅湘洞庭之人多萃於此君爲之貿遷有無往來者幾二十年貲殖漸起配王孺人勤儉操作家益饒父屆古稀寒燠修隨靡不詳盡及沒泣血三年幾至哀毀墓祭嘗伏草間淚涔涔不止也年五十曰吾之所以棄本而逐末者以養親也今親旣沒家人衣食亦足吾復何求遂不出治家一遵朱子家訓門以內雍雍如也爲人謀必忠有緩急者傾囊濟之不言

德并不使人知歲飢則出粟以食諸餓者嘗言天地生財爲生人用胡自擁爲此古人所謂陰行其善者也蓋君雖行賈益好學外出數千里必束書數百卷自隨故讀書之所得力能識窺其大如此生於宣德乙卯正月二十日卒於宏治乙丑五月十八日享年七十有一孺人生於正統戊午正月二十日卒於正德丙寅八月二十日享年六十有九子二漢雄漢良孫二人曾孫三人今以正德丁卯十月之望合葬君

及孺人於縹緲峰之新阡余致政家居嗣君以其狀來乞銘余讀之慨然曰嗚呼世人競於其所欲爲而強其力於所不能及其可以得爲者反漫焉而不之省故做做於一生之心力而迄無所就聞君之幹濟視夫鷙疾以趨利者萬不及一乃能量其所不能而遽止挾其所能而專而無怠而卒有以享其成而又能由親以及疎而好行其德使非有高明之識卓越之守亦何易得此宜蒙其惠者歷世思之而不能忘也懿行若此可以傳矣烏可不銘銘曰

厥德兮珪璋厥行兮珩璜旣積而昌亦流而光俾富而臧俾壽而康雍雍一堂敦敘倫常正命云亡安宅是藏述之孔彰銘之愈芳是陶朱三散之方不並卓程宛孔而可以相忘

賜進士出身

誥授中憲大夫右僉都御史巡撫南贛等處前南京太僕寺正卿江西道監察御史兩知慶雲鄆城縣事

年家眷弟長洲文森拜撰

涇陽秦氏宗譜卷五 四 涇陽秦氏宗譜

秦公祚墓碣銘

洞庭西山貨殖者多不之人則之冀北蹤跡天涯
恒數十載不歸省常事耳竊嘗慨焉有若怡松秦公
祚者蘇之吳邑居包山石公大父叔寶父漢賢咸有
隱德至公祚讀書好禮雖遷有無化居荆襄間而其
志孝養父母口則養口口口歸省與其他嗜利久出
不思返者大有逕庭而處昆季也友恭待賓朋也誠
信故名公鄉樂交游之嘗作江湖勝覽記以紀舒目

之美視彼不聞書禮者奚啻□□嘗辟爲賦後長上
焉稱之能下焉悅之公脩廢舉墜周貧卹窮不以善
小勿爲也公祚之爲人不孳孳於利而有數者之長
可取宜其壽考令終而乃壽已於五旬之六口亦無
愧於世矣卒之年成化戊子春三月廿八日遺規子
孫喪禮一遵文公朱子家禮其不崇尚佛氏也出于
尋常萬萬厥配周氏子二人長瓊娶吳氏次瑤娶鳳
氏女一妙圓適鳳澄孫男一曰淮孫女三曰清曰靜

曰潔俱幼諸孫以公卒之越三年庚寅冬十二月十
七奉柩塋於細開塢之原先是託其友進士林符製
狀請銘於予不揣鄙陋而縷述之者蓋以陳君以容
素與友善觀以容之人則知公祚之人矣是不辭而
爲之銘銘曰

惟山靈也 而人傑兮 惟人質也 而孝弟兮
惟之他也 匪莫不善兮 主勒之石也 匪靡有窮兮
歸之士也 宜世世享兮

成化六年庚寅十二月

賜進士出身刑部雲南司主事郡人周瑄拜撰

公字德山

公字德山

公字德山

公字德山

公字德山

公字德山

處士慎菴夫婦墓銘

處士諱紳字公佩慎菴其號也我先世於趙宋紹熙

間自晉陵來居洞庭傳至七世以族屬繁衍析為東

西二秦西秦之系萬一府君又六世至才三府君幼

聰穎敏悟其從伯祖北直順德府邢臺縣知縣仲雍

公深加獎異凡延師以至家塾必置處士於諸子之

列以資學識既長習有士風克副門望東里徐敏三

公知其賢乃迎為館甥即慎菴之曾祖也祖諱子正

妣毛氏考諱宗義妣徐氏生子處士居次皆樂善
守恒鄉稱德門而處士尤恭謙敦信不蹈時習蚤歲
從事於商能大展厥力其於廢舉之術則多所饒獲
以故家日益裕德日益隆然天性孝友於事親則愛
敬兼至於兄弟則友愛尤篤正德己卯以歲凶民困
朝廷命下能入粟賑饑至三百者例賜官帶榮身處
士則欣然不吝如數輸上例辭不受郡邑高之常辟
長塘圩公允謹區處得宜水旱兼濟故農不違時所

配孺人張氏端慈柔和孝敬勤儉維於一心常謂女
婦之職戒於怠荒不然何以贊益夫君以成內助故
上下宜之而凡祠宇途梁之圯毀饑貧羸窘之溝壑
者莫不施財均濟人咸德之年五十有三漬手靡先
處士卒處士以老就閔悉以世故誘諸子乃卜佳城
於五峯山之西麓爲歸全之計得耐於其考宗義府
君之葬禮也人皆謂達人知命將无自悔者歟越二
年丙戌忽遘肺鬱度弗能治以予宗人乃請爲撫其

世族源流行實爲之銘墓藁具覽訖而終是年十又
一月之十四日年六十有五子男四鎮鉞鑑銓皆知
書有幹才爲時翹楚鎮鉞俱娶蔣氏鑑娶翁氏銓娶
李氏孫男一鼎鉞出越一年丁亥諸子卜以九月八
日壬午奉處士夫婦櫃合葬於斯從治命也乃刻石
爲銘銘曰

綿綿瓜瓞 惟秦似之 秩秩宗風 惟秦右之
允矣君子 慎菴則之 輸粟貸荒 敏以施之

爰正溝洫 疆界理之 賢哉室人 德以相之
陽施陰順 內外宜之 窀穸同歸 順以度之
立石刻銘 維期永之 後之來者 其永思之
嘉靖六年歲次丁亥九月上浣之八日宗人宥讓

世族源流

一月之十四日

書存於才

李氏孫男

嘉祿六年

立於

謝就

吳王

秦氏三世墓誌

丙申春正月

西兩山其遊

氏謁之拉以

蓋如故欵洽

山林多隱君

剔壑探竒索

竟日而洞庭

秦氏三世墓誌

丙申春正月 奉 詔南來待事始得遊洞庭之東

西兩山其遊西山日也適余友少峯王君塾賓於秦

氏謁之拉以同遊主人秦貢賓贊儼衣冠出迎 傾

蓋如故欵洽慙慙何其周旋譚吐間怡然委蛇益信

山林多隱君子也遂提壺挈榼登縹緲泛五湖搜巖

剔壑探竒索幽指曰某山勝某泉佳握手陶情笑譚

竟日而洞庭諸勝槩悉屬厭于肺腑矣杯酒間 以

先世舊譜示余逗遛數日將別謂余曰不肖先祖先
父母將葬乞先生爲誌余領之二月余將復命北上
秦子偕王君來謁余廼誌之按秦氏系出天水
迨大宋南遷其先少遊公之裔諱進好遊山水慕洞
庭而恣翫焉公卒遂葬於消夏灣之原其後子孫因
公墓在而家於斯後世枝葉繁森流派浩瀚且有東
墓西墓之稱後兵火亂族譜缺次閱數傳而至彥清
公子諱仁仁生漢雄漢良雄才幹善治家政稱裕娶

金氏合葬主穴漢良遠出在外雄生子女娶葉氏生
子二長頴次顛文早卒故二子賴祖父母撫養訓誨
成立其母葉氏孀居清正侍奉以誠治家嚴整教子
有方享年八十有二而卒此女中丈夫也夫婦合葬
次穴長子諱頴字正文號雙泉少孤不理家事至傾
廢及壯知艱難成立然性簡直喜爲善事母極孝與
兄弟篤愛與朋友有信喜飲酒陶然自得交人無貧
富皆得歡心人有不善必正言之其行之美余不盡

述娶王氏有機權操持日夜家業始成竟不得享而
卒生子三女一長曰貢娶王氏生大經大綸次曰賓
娶王氏嗣貢子大綱側錢氏生大紳季曰贊娶韓氏
生繼仁繼仁綬仁女歸唐灣徐庶雙泉享年七十有
九而卒夫婦與繼室吳氏合葬三穴文次子顛家業
不遂疾患矇瞶娶王氏生子二長曰資次曰質孫男
一組仁合葬四穴總秦氏三代顛末大畧如此葬之
山在縹緲峯之南名王家塢其以立石永垂不朽秦
氏之盛也

萬歷丙申十一月初二日

賜進士出身行人司行人文林郎吳江備繼臣撰

處士思仁秦君夫婦墓碣銘
思仁秦君以正德十六年正月十三日卒而其元配
沈碩人至嘉靖三十四年九月十四日乃卒蓋相距
幾三十餘年其子軫具事狀因予內弟鄉貢進士勞
維敏泣請銘於予予重違惟敏之請且知君植行敦
品有古人風其先世高郵人出自淮海先生少游南
渡其裔孫益之先生卜居于西洞庭銷夏灣之里始
爲吳人又數傳而至秦三公徙居石公厥配何氏秦

三生漢賢漢賢生遼遼生二子長瓊字世英號友山
次瑤字世用號友蘭友蘭娶鳳孺人實生君其世次
亦可考見鳳爲山中望族父雲樵先生名應禎母勞
氏蓋以十六歲而歸于秦君云君諱淮字朝宗思仁
其自號也弱不好弄在□□□□碩資識明敏友蘭
翁器之延師授經然竟奪于家務弗遂也乃代厥考
經紀田園綜理泉布歲殖其贏侍奉庭闈無不順意
甘旨之饋未嘗少缺二親甚安其養焉友山翁中歲

未有子卽以已所受產悉付其弟曰汝有子卽吾子
也是用終老吾又何以子爲友山翁愛君特至而君
與碩人之事其伯父亦不異于嚴君奉養終始無間
若友山翁亦可以無憾矣君至性孝友而碩人又佐
之以婉順二親有疾躬侍湯藥靡倦喪葬戚而且易
歲時祭享未嘗不思慕垂涕事友山翁終其身有如
一日又能推其仁心以施于族媼閭里或長未嫁娶
者嫁娶之貧無資給者資給之病不能藥死不能棺

思仁公墓銘二

承烈堂

者藥之棺之當時識不識皆稱君長者而且譽其內
助之賢也山中人故好行賈君間嘗挾資游荆襄逐
廢舉之術□□□□□□如輩伍乃荆襄人即亦
稱君長者最後出游得疾遄載歸至家一日而卒始
君之能法□□□□□□□□□□也迨君之卒
而碩人獨持家女紅紡績身任其勞諸凡供賓延師
餽遺享祀必信必誠曲盡其禮□□□□□□□□
□者幾四十年二子斑白侍養子姓男女多至三十

人歲時歡讌纍纍繞膝下□□□□之樂處士生於
成化己丑卒于正德辛巳享年五十有三碩人生于
成化己丑卒于嘉靖乙卯享年八十有七子男二長
軫娶徐氏次奎娶吳氏女一適蔡松孫男九人孫女
一人曾孫男女十六人葬于嘉靖三十九年十一月
十一墓在張塢獅嶺之阡□□□□□□銘曰

維古初民朴醇紛巧儇漓元真懿若人兮思其仁
變女德兮勗逾敦偕伉儷兮□□恩光前德兮裕

學極精于史上下二千年朝政得失幾微如在指掌
常嘆曰讀史方知古人之賢愚忠佞置身其間警懼
之心昭昭何當今之世能文者如牛毛植德者若麟
角盍亦知輕重乎平生孝友無一不循禮法母病夜
不瞑目至愈乃已母歿廬墓者久之由是聲聞日起
吳閭之當道貴人咸樂與之游公亦未嘗干以事及
有罷黜失志者則爲之力不怠嗚呼世之交友者利
之所在則趨之有小害則避去不肯留目一顧掩面

道路若不相識惟恐其累已聞先生之風亦可以少
愧矣公諱貢號包峰宋龍圖閣學士秦太虛廿一世
孫也與余交最久余誦公之德爲之墓表以彰之足
以不朽矣

賜進士及第翰林院掌院學士太子少師兼禮部尙
書年家眷弟申時行拜撰

怡泉公墓誌銘

吳之西洞庭在太湖中烟雲瀰漫峰巒秀拔瀕湖而
居者數千家桑麻雞犬人民朴茂雅有古遺風村墟
籬落古松流水間遍植桃花宛然古之武陵源也秦
君怡泉吳之隱君子也其先世宋淮海先生之裔自
宋移家于此積於今已四百餘年矣公少讀書多穎
悟性淡泊不樂仕進視世之拈華摘艷鉢心剡腎以
沽釣聲譽者不樂爲亦不屑爲也事親極孝謹奉意

承歡惟恐毛髮有違及二親之歿哀毀骨立越數歲
心猶慊慊然遇諱日往陳饋奠飲泣而還終其身不
衰宋儒歐陽子之言曰祭而豐不如養之薄也又曰
夫祭不必豐要于孝利雖不得溥于物要其心之厚
于仁公之重倫義急患難日誦歐陽子之言不少怠
于心親族之貧者歲饑必分粟以贍之病不能醫藥
者多方爲之週給藥餌榘橫之施無虛歲里人咸以
善人稱之云嗚呼世之爲士者其未遇也常以無位

不足施其所學爲憂及旣得仕則又顧畏怯縮爲其
身謀終無所益于人者衆矣夫君子之內行修于家
外行有以濟于人豈在位之有無哉公名贊字茂甫
怡泉其別號也生子三長曰繼仁次曰維仁季曰綬
仁皆領承庭訓續先人之德而不墜士論多之公生
于嘉靖乙未三月卒于萬歷戊申十月初六享年七
十有四配孺人韓氏今年十月卒其子維仁等殯殮
成禮合葬于縹緲峰之陽匍匐乞銘于余余師蔡九

遠先生公與蔡比隣姻婭因得悉其為人不敢辭以
 不文乃為之銘曰公年十其學其行其志其德
 洞庭有哲夫兮秉德良優柔嗜義如嗜利兮避名
 如避仇指退以為進兮謙抑每自修知分中自定
 計兮不假外物求冠冕百行先兮端品庶不偷紀德
 勒石兮千古振諸幽

大明天啓六年歲次丙寅嘉平月眷世侄王寵拜撰

秦雲濤先生墓誌銘

公諱明倫號雲濤世居洞庭之秦家堡以文行知名
 考方山公天性孝友好讀書公幼孤克如父志兄欽
 止先生有名吳庠公師之得文章之正傳晚學而早
 成其精勤有過人者嘗曰文以明理為先躬行為要
 否則辭雖工奚裨事母葉孺人孝家貧養志欽止先
 生蚤世下有三兄事之最恭謹姪數人教之隨其器
 業舉子者俾專一經皆有成課及門嚴而有方從學

者至數十百人嘉不敏歷四年循循不倦雞初鳴公未嘗不起篝燈書所得或朗吟時藝中得意句及聖賢修身治人箴規警戒之語與朋友莊而和交四方名士以所業相質折節下之崇禎戊辰爲諸生謁學師師禮之曰子聖門中人異日立朝二程之亞也公屢以疾不應試五旬疾轉劇謂不起俄彷彿遇司命持簿益之筭一曰霍然晚節德益劭所著文極多弟子能志之閩詠詩題壁有類古戶牖銘者讀之悚然

夫人金氏最賢公讀書不以有無累君子心姻黨閤阻勉匍匐無遺力先公卒葬羅漢塢南之仇巷里子嘉銓字存古嘉定邑庠生學行有聲人謂公門有萬石君家風而文過之洵知言也公享年八十以康熙癸卯二月廿四日卒乙巳九月二十三日葬縹緲峰秦家堡大山裏謹述所知壽諸石銘曰

遇之蹇

道之亨

文在茲

如日星

作斯述

後有人

石刻辭

永令名

康熙乙巳年九月十日眷門生蔡汝嘉頓首百拜撰

鄉飲賓文字秦公傳

秦楷字懋德號文字先世高郵人淮海先生二十三
世孫建炎中扈蹕南遷居吳之包山代有聞人景泰
中高祖諱聖遷松陵之韭溪遂為韭溪人聖生一清
一清生剛剛生封翁綸皆長厚有隱德封翁生三子
公其仲也丰儀秀偉孝友性成弱冠補博士弟子貢
伯兄諱模號行素年長十餘歲迨公成人而伯兄已
析居矣與弟懋衡少親愛長彌篤至老不衰方其與

弟同遊太學也相與計曰椿萱並老家務實繁綜理家政卽所以盡子職也勢不可以偕留乃告假省親大司成葉文忠公向高躋之歸仍同居其財子姪十餘人食則同席衣則傳服庭無間言奉侍二人必先意承旨得其懽心伯父守愚公年老家貧公迎以歸生則奉養沒則與封翁同祔葬祖塋之昭穆神宗時連年饑饉粒米如珠饑民嗷嗷公出粟賑之藉以舉火者無筭弟懋衡知連城縣事及致仕歸起池亭構

華廈費以萬計公絕不介意昆季之間華萼相輝五十餘年如一日也近里陶元亨爲族人朗先勵餉案株連將大厦百椽質銀三千金公仗義還其券絕不取償其餘睦鄰敦族恤孤皆歷歷可指數當道之聞其風者爲之旌其門曰淳行曰光風霽月迨耄年以讀書敦行爲燕貽計嘗自言曰凡事須循乎天理而天理不外乎一心捫心自惟於吾心有不安者卽天理之所不可也天與人豈有二乎故其行事不求人

知人亦不知而國史里乘闕焉舉鄉飲賓壽八十有一生嘉靖甲寅九月初一日卒崇正甲戌九月二十日配周氏子五

論曰夫子言弟子必先孝弟有子言孝弟爲行仁之本是知孝弟者生人大綱其他敦仁行義無非卽此推廣故僅謂遜敏而升鬢序正家而日豐腴猶淺之乎視公者矣或曰公力行敦式好而妯娌不無柄鑿然內多柄鑿而式好能五十餘年之久則式好也至

矣卽所謂柄鑿亦非世之妯娌可同日而論矣伊州先生有曰卓彼先覺知止有定古之人歟古之人歟賜進士出身湖廣副使道姪壻趙士許頓首拜撰

明知福建連城縣事肖湖秦公傳

秦公諱權字懋衡號肖湖宋龍圖閣直學士諱觀少
游先生二十三世裔孫也建炎中遷洞庭西山景泰
遷吳江韭溪世有偉人所至輒成望族父諱綸號隣
湖封儒林郎家素饒慷慨好施生三子公其季也少
警敏有大志侗儻不羣年甫弱冠偕兄文字公同遊
國學大司成葉文忠公甚器重之既以親老務煩兄
歸省而公獨留在學五年升率性堂試輒一分由積

分考授福建汀州府連城縣知縣邑濱海編戶僅二十餘里民情澆悍風俗刁傲公下車首謁文廟見殿宇頽敝兩廡傾圮飭紳士共爲修理并名宦鄉賢兩祠由是連邑蒸蒸向學滋事之始釐奸剔弊不畏強禦問民疾苦政事有不便于民者立爲革之有廢弛日久者力爲振之遠近畏服又兼攝都司事時承平日久武衛縱弛士卒驕玩不率公懲其偷惰尤甚者于是繕修營房禁止飲博立隊伍申法令而部勒以

陣法聲稱籍甚上臺亦交章薦譽之會權貴奉使至州郡悉遺重賄公曰吾治連六載惟飲連邑水耳又安得重財而賄巨貴以求官耶乃稱病告歸歸之日紳士耆老攀轅立祠林小仙繪圖設饌去任之榮直不減二疏公鄉設供帳祖道都門時也居家尤篤於友誼同居其爨兄弟之間怡怡如也平居無事足跡不入城凡邑中有築城浚河賦役鹽鐵諸大事人所畏憚不敢言者輒侃侃陳其利害明其可否當事亦

雅敬信徃徃虛懷聽從故邑中賴其力而民得休息
在里則蠲租賑荒不憚再三時出家帑以代貧民之
不克完賦者時國家多事賦斂煩急里中獨解追呼
之擾問左之受賜者至今猶感道不置訓子第以詩
書理學孝悌忠厚故後人俱恂恂如也善下人杜門
誦說詩書無輓近儂薄之習以是知公之厚德澤流
者廣而所貽者遠也壽六十有三生於嘉靖戊午四
月初十日卒於天啓壬戌三月初三日配吳氏封安
人生子三長之策仕至浙江藩府叅軍次之第太學
生次之策

論曰士之束髮入官不能潔清任事至於叢脞者大
抵身家之念切臨財有欲心當事有畏心未免依違
不振耳公家素豐冰清自矢故秉公執法文武兼優
小試一邑而利者興敝者去民則父母愛之神明畏
之至於臨行如失怙恃也人情不甚相遠使非實德
在民而何以致此書曰凡厥正人既富方穀於茲而

益信又聞公世敦孝友兄弟同財至於沒齒則天性
之過人遠矣

賜進士出身吏科都諫嫻愚弟李周策頓首拜撰

廉泉公墓碣文

秦君綬仁號廉泉蘇郡人也其先世自趙宋南渡移
家住洞庭洞庭上古人民稀少秦氏居茲山最久代
出偉人垂光史乘者指不勝屈也廉泉與余向未謀
面緣晤于吳閫宋太史家太史稱公之讀書積行今
人中之古人也余見公風神峻潔眉宇聳秀遠而望
之無一點塵土氣及聆其議論灑然如貫珠人莫能
及也次日別去繫于懷者久之然洞庭山水之勝甲

天下前明袁中郎比之圓嶠方壺者余愛探茲山山水攀援之暇信宿公家公著作滿笥篋不輕以示人予至則爲之捧誦而點定謬分甲乙其文雖遜于歸震川唐荆川明代諸大家凡流俗剽竊獮祭之詞孱弱不振之章無有也夫觀人之法當察諸心不可泥其跡仕不仕有弗暇論苟其心在朝廷雖居韋布操觚染翰足以鋪張鴻偉上裨至化雖不仕猶仕也如公者可謂無負于所學平生教諸子力田孝悌不許

紛華靡麗性簡淡不妄與人交而遇賢士大夫觴咏山水間酣嬉淋漓惟恐日之夕也子歸田後日從公游擬仿唐賢香山九老會結社于洞庭孰謂公遽然奄忽公生于萬歷戊寅卒于康熙戊申五月享年九十有一配蔡氏先卒子四曰永謙永春永清永齡孫男三人曰鴻業鴻謨鴻庠等擇吉葬公于縹緲峰祖塋之穆因余與公爲舊好來乞銘銘曰我爲青官及矣榮傷情乃叙其平昔而爲之銘銘曰我爲青官及矣榮

哀哉今逢右遺直高卧不起志非激膏肓久矣縈
泉石少微星昏風夜急白楊蕭蕭聲瑟瑟誰不實
畏涕嗟何及壽世文章成五色後裔繼起觀世德
康熙九年歲次庚戌仲冬同學弟長洲尤侗拜撰
公生于萬曆九年庚申正月廿五日卒于康熙九年
歲次庚戌仲冬十月廿五日葬于長洲尤侗拜撰
山水間稱穀林商榷歷日之久公年歲日長公
公華鬚鬚壯齒齒不衰典人交而賦贊士大夫論和

處士體泉公墓誌銘

公姓秦氏諱維仁號體泉其先世邗溝居士裔後占
籍西洞庭之銷夏灣中葉世有令德雅攻儒業故其
里夙稱仁里其人每多仁人予宗東西里密邇里開
竊嘗推許秦族奕葉相承之美而忻然願友其人以
師其行緣以羨體泉公真隱德君子也公爲人姿容
魁岸鬚眉偉然而持品端重敦脩家修少喜讀書弱
冠有四方之志以勤儉業家夫人鄭孺人誠有克相

之功也嗣君元實公諱永孚天性純孝以色養厥父
毋溫清周慎至老弗衰且也志誼諄醇風概冲澹無
忤于時不訾于族莊莊粥粥逮今方人而志學好道
淹通古今史文詞姻黨間莫不云體泉公積德養福
于先元實公繼猷遵修于後而世之澆衷淺行附羶
夢熱者皆所不登其堂不啻其蔽者也予因憶夫具
區之勝首稱西洞庭洞庭之勝首稱銷夏灣而銷夏
灣之勝面繞梭龍背擁縹緲湖山靈氣所鍾結爲碩

彥會爲仁風而秦氏篤生體泉公父子寧不以首稱
于銷夏灣也哉公生于前萬歷甲戌卒于今康熙甲
辰享年九十有一夫人鄭孺人亦生于萬歷甲戌卒
于癸酉先卜權厝祖塋丙舍右傍後得吉卜遂安窆
焉亦考亭分葬之遺意也元實公生于前萬歷庚子
卒于今康熙丙寅享年八十有七元配蔡孺人早
世卜葬王家塢旣而娶金孺人蔣孺人生丈夫子五
汝貞汝良汝升汝楫蔣孺人出孺人方正位乎內汝

成金孺人出孺人謝世有年矣蓋予嘗聞蔡孺人孺
留時親族咸集訣曰天靳我嗣其繼有出者立子以
長故元寶公以汝貞長且賢而立之示有嫡嗣也今
汝貞生積德積行積淳積行嗣叔汝升後汝良生積
善積慶汝成生積學汝揖生積恩而積德生子珽積
慶生子璿皆磨呈鵠峙是能承其緒世其家者茲于
康熙三十九年十一月丙寅日卜葬口于秦家山西
麓之新阡昭次則元寶公金孺人合葬穆次則蔣孺
人幽宮先期踵予銘予不獲辭勉爲之序而志夫不
朽之論以銘之銘曰

孰俾厥完

孰鍾厥全

謂天蓋厚

於人不然

緬彼仁人

善行可編

瞻彼幽宮

德曜惟潛

撫茲片石

億萬斯年

康熙三十九年歲次庚辰十有一月同里眷姻晚侍
教生蔡簫頓首拜撰

成金孺人出孺人謝世有年矣...
 留時燈坐蒸薰...
 泉源三元...
 汝無...
 善...
 慶...
 乙亥...
 人幽宮...

存古秦公墓誌銘

乙亥五月三日余歸自北山雷電大作霖雨兼旬十
 七日晚天稍霽存古秦公短褐芒屨從泥海間來立
 談片刻快快別去未五旬而公之訃忽至嗚呼痛哉
 哲人淪喪悼實深焉今於歲之十一月二十日令嗣
 介選介眉將舉公柩祔葬於梅花鳴祖墓之旁請余
 誌而銘其墓承公之遺命也余雖不文不敢違公命
 乃爲誌曰公諱嘉銓字存古姓秦氏世居西洞庭之

滄房壽長公詩 卷首 五 三
銷夏灣吾師雲濤夫子之長子也師諱明倫隸籍吳
庠配金碩人生子二仲早世崇禎甲戌師年五十有
一病翻胃劇甚醫藥罔效公惶懼虔心禮斗請以身
代後遇異人教飲牛乳竟霍然起要皆公孝所致也
公痛仲早世歲時必祀終其身弗替公於孝友間誠
無間然矣余見公侍吾師讀書時無他翫好惟嗜詩
工儷句然師意弗善也公恐拂翁意遂絕口不言詩
刻意攻制舉義凡經史子集靡不研求發爲文章縮

紛藻績應郡試陳公竒其卷首拔之張文宗取入嘉
定庠補博士弟子蔣刑部赤臣先生讀公文輒驚服
俾其子皇士親受業焉公嘗涉大江歷淮徐往來梁
溪間一時名宿奉爲圭臬然數竒屢困棘闈而公怡
然自得其澹定何如也吾邑之瀆川距郡城二十餘
里名山勝地爲遊觀四達之所公儻數椽教授生徒
丹鉛之暇偕朋輩遊賞於山水之間以著作爲事數
年後復歸故山遇花晨月夜剪蔬蕢酒與里黨爲懽

樂彷彿二疏故事待人素不寢然諾人亦雅重公里
社中事一以公爲祭酒凡貧交故舊潤涸吹枯公無
德色絕不問囊中之存焉否也其胸次之悠然又可
見矣工書畫遠近人得其尺幅寸箋珍如拱璧矧其
孝友之真摯襟期之坦蕩文章學業之精微流播已
久一旦溘焉長逝宜乎識與不識皆爲之墮淚也公
生於萬歷庚申卒于康熙乙亥享年七十有六配黃
碩人子二女二孫男六娶嫁俱名門嗚呼公稟資明

敏學術宏深不得一科名以終豈顯榮之報不於其
身必於其子孫與所著旣耕堂詩已鐫板行世制藝
惜未登梨棗余忝通家世誼之末忘其鄙陋乃爲誌
而系以銘曰

縹緲之陽構爾元房烟籠柏翠雲護松蒼崑壁南
金永惟斯藏世世本支於休有光

康熙三十六年十一月 世愚弟蔡蕭頓首拜撰

康熙三十六年十一月九日會恩於...
 德金乘非...
 見縣...
 而祭...
 郡未...
 長...
 公...

明浙江藩府參軍公獻秦公傳

公諱之策字公獻號又湖先世高郵州人自高曾及
 祖世有令德父諱權知福建連城縣事有惠政聲稱
 爛然公幼而岐嶷讀書丙夜不輟年二十二補邑第
 子員神宗朝恩拔明經進士居家益自刻苦爲文章
 蹕厲有奇氣熹宗朝纂修神光兩朝實錄時史院多
 博洽鴻儒朝廷以艱鉅難竣詔選才識兼優通知時
 事者其事公亦與焉神廟歷年久遠事緒繁多考訂

期於確核酷寒暑不少懈也五年告成公以晨昏
久廢告歸省親同事者曰選期迫盍少待乎公曰吾
久違膝下寤寐不安安敢戀一官而不一顧父母耶
歸逾年連城君促之赴京同事者皆例授京職而公
俟期降調外任補福建興化府經歷蒞事精敏胥吏
畏服上臺嘉之曰是才不可閤散處之量補一邑稍
展驥足耳遷仙遊縣知縣未幾又陞浙江藩幕參軍
公喜地近鄉那可少伸子職矣時逆閹弄權緹騎旁

午公拮据調護遠近倚公爲重公雖公務孔棘歲暮
必告假數日問連城君安否歲辛酉見連城君體羸
少痰輒遲徊不前連城君察其意知其以已老病故
外示矍鑠而告之曰旣居官則身非已有矣可以私
而忘公平公乃拜行曰來歲清和迎往公署可旦夕
親承色笑無何壬戌春暮而連城君捐館矣聞訃奔
喪戚而兼易服闋人謂至京赴補可得高遷公慨然
曰昔年捧檄而喜爲親在也今何爲乎遂不起居常

痛不能孝事連城君奉母吳太孺人畫斑衣之色養諸子皆善屬文精搆書屋數椽聚書數千卷寢處其中顏其額曰當惜分陰口誦手披至夜分以爲常與二三舊友結社賦詩修耆英香山故事出則乘小舟或徒步與鄉人野老談說桑麻較論晴雨仕進之念泊如也本朝定鼎人或曰君不得志於當時必且大用於今日公不應家素饒恐子弟侈靡而躬率以儉約蔬食菜羹不減寒素惟於里中爲士民償賦理冤

濟飢恤匱則不惜大費好人因公施不望報反肆侵侮公絕不校亦不因之少倦也其他睦族敦親翼子誥孫悉承先志云兩舉鄉飲大賓壽八十有一生萬歷乙酉五月廿一日卒康熙甲辰四月十五日配葉氏封安人子三長宗周次宗游次宗襄俱邑庠生論曰士先德行而後文藝其處也有守其出也有爲士林推之民物仰之雖出身科目者亦不數數覲也公風采恬肅卽之也溫又慷慨好義憂樂同人視倚

勢作威設財役貧輩疾若仇焉仲弟早亡孤子幼公以養以教俾至成人分宅授產恩逾諸子嘗自矢曰士不論窮達要以濟人利物爲務居官治家綽有父風乃抱有爲之志而僅以清白吏終也語云不於其身必於其子孫嗚呼若公者可以傳矣汪份撰

仰峰秦公墓碣

明熹宗朝魏闖竊柄朝之正人君子次第逐辱卒釀成流寇之禍而明亡士之生斯世莫不抱道以固窮潛身以自潔倘出爲世用一展其才而流離貶竄之苦接跡於身矣秦君仰峰豪傑用世之材也公自幼劬學須臾不少怠父母憐其羸弱靳膏油不多給秋宵月朗每挾冊映讀之及長見四方干戈擾擾遂絕意仕進家故雄於貲里之貧窶者途之瞽者跛者公

憫其顛連給之終身無倦意親鄰之死喪患難不顧
利害身任之至於周旋事爲之間條理粲然必期於
成故里黨數十家倚公以爲生者公至家道中落亦
不少悔嗚呼明末風俗頹靡士大夫不脂韋以趨事
則貨賄以終身能豁於財以利濟爲心者時有幾人
哉公長身而瘦胸襟磊落如青天白日喜面折人過
雖顯者無所避故有過者常畏君知因而自改者公
家在縹緲峯下與予一葦之隔予每歲梅花乍放攜
小舟探梅於林屋訪我故人歲以爲常今年再訪而
公逝矣嗚呼我故人去昭昭而就冥冥青山不移流
泉不改而形容不可復覩能不悲哉公生于明萬歷
丙子卒于

國朝順治戊戌二月享年八十有一配陸氏子二人
君祿君秀孫男五孟修仲修公裕公美公茂卜吉于
縹緲峯之陽走訃索銘于余乃爲之銘曰

位不冠纓而惠孚于民仁矣哉若人是非紛紜而

折以片言信矣哉若人文質彬彬而令譽振振君

子哉若人銘以昭之揭于墓門文後曰

順治十五年歲次戊戌仲冬朔日吳偉業拜撰

國

即

泉

公

小

國學生九章姪傅畧

康熙癸亥子奉

命參政在楚適洞庭支姪孫文標來謁泣且請曰吾

父辭世三年矣乞大人一言以爲重子聞之亦泣然

曰吾姪蓋今之古人也生平志節歷歷在吾意念而

遽淪喪也耶因爲之叙其崖畧以俟後世焉姪諱元

社字九章國學生子族兄冲字公之第四子也少卽

岐嶷寡言笑獨嗜書史每讀古人孝行及忠義事蹟

輒撫案太息久之父師輩咸嗟異焉及年甫弱冠服
賈荆襄爲人精彊有心計蚤作夜興居奇致贏家業
因以漸裕居恆自奉食無兼味而供養二親先意承
志務竭旨甘暨親沒而喪葬盡誠皆竭力獨任不欲
以貽三兄憂也蓋孝由天性其重本根者如此乃其
與人交也不設城府不苟然諾見人有危急卽賜給
之雖傾囊無德色如吾錫山喜延叔知善化縣又有
華某守長沙府憂流寇克積皆先以眷口託九章護

送回籍奈吳楚路梗乃迂道西江漸抵浙杭崎嶇數
千里艱苦備嘗絕無倦意迨後喜延叔殉節於城南
之楓林坪長子受光弟候父之楚值父喪撫棺一慟
而絕九章爲之移厝於洪恩寺旁建屋三楹父子兩
棺藉庇風雨每晨輒撫棺以慰之越數年幼子維屏
弟赴楚扶父兄櫬歸九章更憫其懦弱未諳江湖又
爲之經紀諸費偕送歸里錫山人至今言之聞者靡
不感且泣焉至若吾洞庭遷祖益之公墳山被他姓

侵佔前明曾構訟數十年未能明決而九章姪獨發

憤立誓偕維屏第暨吾子汝沆等聯名訟冤始得歸

復議者謂恃有先人之威靈固已然非九章之不惜

財力曷易臻此嗚呼以吾姪之事親孝交友信樂善

不倦見義必為諸大節之卓卓在人心目間者夫獨

非今人中之古人也歟昔東漢樊重力農殖財好行

其德厥後子孫多貴顯積之厚者流自長此天道也

今九章三子俱恂恂自好善承父志則為善之食報

於身後者予將於文標等有深望焉矣錫山支愚叔

鉞拜譔

秦孟村先生傳

先生諱鳳苞字軼舉號孟村松陵人自淮海先生諱
 觀後子孫蕃衍散處高郵武進無錫以及吳縣之包
 山松陵之韭溪文章科第克世其家而居韭溪者積
 學行未登科第有肖湖公諱權由內閣纂修知連城
 縣事著循聲君之曾祖也君少卽以讀書修行自勗
 年十八入浙江湖州府學尋補增廣生時沈懷庭韓
 希一兩先生方爲諸生負文望獨推重君益肆力於

學與長洲汪遄喜先生契合遄喜呼爲畏友顧老子
場屋呈薦者五而皆不售嘗以詩質秀水朱竹垞先
生爲序其閨窓襍錄又有四書講錄編垂就燬於火
君尤敦內行丁父憂號泣不出門三載服除族叔對
岩先生官翰苑招之入太學就京兆試決科差易君
對曰老母在與其遠離子舍搏一第以榮吾親不如
承歡朝夕也自是閉關奉母雖老不衰有弟四人窻
窻獨任不以毫釐累弟其篤於孝友皆如此類年七
十卒先是康熙乙丑江南大水吳江塘岸傾圮君慨
然曰惜此一家之資而使百萬生靈並罹水厄可乎
家素以貲財雄於鄉至是捐修日費百金家破而塘
成其後屢傾而易修者賴君之厚其築也此又君勞
績之可書者

論曰士先器識而後文藝重其本也若孝弟修於家
庭而詩書著於鄉國則學行並茂焉君之子應岍應
紹篤實君子也命君之孫如鈞寅曾孫萱來索爲傳

愛書其實用申欣慕之意云爾董熈撰

銳師公小傳

公諱士穎字銳師彬之再從叔祖也彬束髮時出就
外傳每一見長者無不肅然加敬有時敬避之獨至
我銳師公貌古而詞溫情殷而意厚絕不以長者自
尊大而彬亦樂得時親而相近也公行四最孝友而
性喜讀書自幼吟哦之聲篝燈丙夜不倦時江城吳
天章先生有慎交社公隨伯兄偕往文章氣誼咸以
非常目之奈天命不由艱於小試而公於功名亦卽

心灰矣公家道始豐後嗇常求館穀於外又以嚴親
齒高侍奉不可久弛每力辭晨省昏定雖寒暑不敢
稍委兄弟輩時父孳生公年近八旬忽欲置妾公涕
泣曰大人以兒輩不能事膝下耶因極諫并取孝經
父有諍子章上陳適酷暑蚊聚竟夜長跪俟父意稍
回而止未期年父卽卧床褥不起率兄弟朝夕視膳
衣不解帶者月餘逮親沒而孺慕之意終始不衰殆
可謂盡誠盡哀者乎嗣後家益貧志益苦而於先人

遺產悉聽兄弟分取不計有無曰先人所有皆可
有也且兄弟有之猶吾有之也更有同居族屬或以非
禮加之者公必默然順受閉戶不較曰母令外人知
貽家門羞也年踰七旬而意境終身曠如課徒之外
賦詩自得靜觀樓詩稿以見志嘗手抄左國經史
八家分其句讀正其韻解以訓子姪更以人所宗瘦
吟先生四聲而古韻茫然每不免雌霓之誚因取古
韻善本細加增輯叶合古律名曰古韻備考以惠後

學種種如此噫以公之素行積學既不克蜚聲黌序
又不無見侮鄉黨以公安之若素似不足爲公抱不
平之憾然而旁瞻遠矚如公之行與學者絕少而身
獲重望永膺多福者指不勝屈何耶豈天之於人獨
厚而於公獨薄耶然而公有二子長雋曹已采芹次
曦芬尤篤學皆足繩祖武而紹衣德或亦足以報之
矣彬以所見合之所聞雖不足以繪公於萬一然恐
久而無傳也故敢援筆以謹述之

乾隆十有二年歲次丁卯秋七月姪孫彬頓首拜撰

維清公暨蔡孺人合葬銘

公諱世旋字維清姓秦氏吳縣西洞庭山人其先宋
政和間學士秦觀以文章氣節名當世與蘇軾黃庭
堅相埒後世蕃衍盛于毘陵吳郡爲科名世家公上
世自秦家堡遷居石公幼有至性事親孝宗黨翕然
稱之年壯遊于楚以然諾不欺著交游間當時賢士
大夫莫不傾蓋訂交而家道亦日起故近屬之顯達
在毘陵者弗以蘇常之隔不時駕舟往還而水源木

本之誼益篤先是秦氏盛于西山未嘗爲遷吳始祖立祠堂以收族公少時卽知尊祖敬宗之義有志創建宗祠於山之堡內每值春露秋霜則有愜然不自安顧宗祠規模宏敞非有力者不能任故終公之身不及建也公子信如輩承公遺命勦議首捐迺得適觀厥成則祠雖成于後人而事實基于公也公篤于行義人敬服之凡排難解紛他人所莫可誰何得公一言剖析事遂立斷蓋公之光明磊落其盛德足以

感人也

枝華

年五歲兄纔十一先君子見背時知公

可屬後事託孤於公公始終無負迄於成立愈足徵

公之高誼焉公之德配

枝華

嫡姑母也鴻案相莊有

古梁孟風子四長君信如德望具父風仲洪一貢入

成均叔湘如季方如英英競爽一本公之庭訓也女

三一適圻村蔡一適洞山馬一適坡上王孫四皆業

儒公享年七十歲卒于乾隆二十六年八月初六日

今卜吉偕蔡孺人窆窆于本灣喬山之陽乃郵書至

都門屬文以誌墓華雖不敏何敢以不文辭因脩書
其卒葬而并誌吾姑之合葬焉公德配蔡孺人吾祖
例贈文林郎允方公之長女也年十九歸于公以賢
淑稱廟見後卽中饋自持家人咸稱其和順焉事尊
章能盡孝值蘋繁薦新肅然恪敬終其身無怠色訓
子以正勗女以勤日以織紵組紃爲兢兢此亦如古
之曹大家桓少君之懿行歟枝華於乙酉歲倖列賢
書自湘中來山姑已前卒于乾隆十八年十二月廿

一日享年六十歲回思徃時拜始于堂下深蒙色喜
媿媿以嘉誨爲勗而今竟成隔世不勝悽愴云銘曰
秦郵世德流澤孔長文學政事累業垂光于斯安
宅厥後克昌如山奕奕如水泱泱簪纓相繼永發
其祥

乾隆三十五年歲次庚寅孟冬月內姪蔡枝華頓首
拜撰

惟清公行畧

先祖諱涇字惟清號渠成年八十有四絕無龍鍾態
性好善未嘗稍間家酷貧口不言錢幼精易數當三
藩亂時有某某者欲授以千金聘爲師公謂祖母曰
千金雖重然不義之物也不可受吾族卜居韭溪傳
九世矣縱不爲一身計詎不爲宗族計乎祖母曰然
於是飾辭以對某遂唯唯而退復善青囊術貧苦者
力不能葬嘗助之

利疾至與人約不避風霜兼耐勞苦而又時時好陳
古今來福善禍淫之說爲里人勸至今猶有稱道不
衰者臨終有子五女一孫七口占一絕勗孫輩勵志
讀書而逝嗚呼爲善者宜無不報若吾祖之德其必
將獲報矣乎第勲等上既不能克繩祖武下又不能
光大門閭徒鬱鬱蓬戶其自愧當何如耶今值纂修
譜系之時故畧陳顛末以載家乘使勲之子孫按
譜而稽之曰某祖一生行善也不亦可乎時

乾隆丙寅冬至後十日孫竒勲百拜謹述

古今來無善補位之說爲里人勸至今猶有補位不
衰者雖終有子五女一孫七口占一絕勸孫輩勵志
讀書而進嗚呼爲善者宜無不報若吾風之俗其
將獲報矣乎第勸等七既不能究純祖武下又不
光大門閭使世世遂其自愧當何如耶今補位
書系之時故舉陳顯本以勸家來使勸之千孫
諱劉丙貴於至外十日孫貴無百孫結世

元益西澗佩宋三兄逸事合狀也具余三十七翁平心
族兄諱學淵字元益長余四十餘年論族屬蓋支遠
而袒免者也幼岐嶷讀書常至五夜博通經史作文
跌宕縱恣而尤本先正法程所與遊皆當世名士每
小試輒冠軍時人咸以大器目之及賦子衿終不遇
家貧授徒凡被其教者如陳君民表鈕君聽山張君
喬臣輩皆親炙於門墻者也至與人接溫恭謙退雖
遇卑幼無不雍雍抑抑如春風之動物和氣可親如

秋月之輝人高明可仰予胞兄雋曹曾以時藝就正之曰第文卓厲風發高蜚在卽矣明年卽見拔於大中丞吳公又明年卽受知於督學侯官鄭公其識鑒之精確如此豈工於觀人而拙於自鑒耶抑知遇有數而不可以人力強之者耶抑文學無憑將奔走形勢夤緣而始得之者耶迨旣老猶思入北雍以自奮而卒不果吾於元益公能不爲之搔首而問天平若吾西澗公者諱肇深余再從兄也長余三十餘年少

孤力學慷慨有大志博學淹貫從事舉子業亦每屈於院試歎曰修已而天不與命也讀書豈必爲功名哉古人自知窮達有命而致恨於十年欠讀者何也家酷貧教授生徒至老不倦布衣蔬食泊如也性雖嚴毅而詞氣雍和不與人校甚有以橫逆加之不曰阿奴火攻出下策卽曰鷄肋不足容尊拳其度量每如此嘗以詩經集註不便舉業別輯纂要一書凡以詩專經者多宗之至與人言懃懃懇懇教之孝弟教

之學問或問之則窮源溯流亶亶不已直所謂古貌古心者耶又若佩宋公諱景濂余同祖兄也亦長余幾三十年其少也阨水而斲睡遇盜而獨免無不徵異竒之先大父亦愛之甚年弱冠善屬文淹貫經籍博物洽聞美鬚髯身材壯偉揚揚有出塵之概及與試郡邑莫不嘉賞謂不當在童子列迨欲青其衿卽落孫山外顛蹶大概與元益西瀾二兄畧同然當時終不以不遇少之是時顯者聘爲塾師凡往來晉接一皆

顯要而公出入左右不干以私不廁其事未幾顯者敗公雖滯于中而灑然于外自後年益高家益貧而遇益躓或有闕以利而導之不規於義者曰貧賤命也窮達天也肆志而捍文網不知天亦不知命也性慨直有怒卽發發卽已未嘗留滯於胸雖遇機變之徒幻詐百出皆以直道行之以故人得易而侮焉老而課徒自給賦詩見志余不能詩常以詩質余颯颯乎如怨如慕如泣如訴有慨當以慷之致云嗟夫成

敗論人雖賢者不免其能見諒於人世哉昔韓信辱於袴下相如困於臨邛蘇秦見棄於妻蓋無徵不信奚足爲流俗人道也故謂此三公者登巍科致顯位而垂勲名於竹帛著顯績於後世吾不敢知然或階進一官量予一職心然因時補救有濟民生必不至如齷齪者之所爲而竟若此此士不遇賦之所感感也夫人讀書稽古見有不得於世而流離傾覆莫不爲之爽然慨歎擊節狂歌至於泣下數行而不能已者而況一本也哉而況昌也哉顧邑乘裨史皆拘牽偏曲排抑不載平生坊表湮沒不見予滋惜焉故述其逸事以貽後之好古者第景昌頓首拜撰

於論人雖賢者不免其能見其於人世者其信
 於下相如田於臨印蘇秦見棄於妻其無微不信
 笑足為流俗人道也故謂此三公者登魏科致顯位
 而垂勳名於竹帛著顯績於後世吾不敢知然或隨
 進一官量予一職心然因時補救有濟民生必不至
 其並事以銀錢為故古者景昌節首其難所感感
 謂由世能濟難乎坐此未難對不見其難哉無效也
 而而此一本也故謂此三公者登魏科致顯位

潛菴公傳

士固有脫屣富貴者非品之至高即氣之至逸也氣
 養之則浩然塞天地亦或未必養而玩世俗傲王公
 豪逸之士屢見於世子觀古禰正平李太白未嘗不
 想見其人焉先生今之太白也少負俊才成歌詩飄
 飄然有凌雲之氣見者知其詩而已而不知先生席
 可富可貴之勢翻然遠引以布衣蔬食老也當先生
 少時舅李氏兄弟三人竝為大官勢甚薰灼愛先生

才顯榮之不難餘三人並爲大官其薰以愛其出
國家重熙累洽朝宇肅清而姦慝萌心不惜爲共鯨
之續故其變之原具皆映其若而而不映其出
聖祖仁皇帝季年三大臣嘗藉寵作奸李其黨也先
生方諫之數不聽遂拂衣歸困阨不顧不得已出餘
技治人病病輒愈顧資衣食而已脫帽露頂睥睨一
切至窮老而豪氣仍不除以著作自娛而懶不收拾
暇則歷廣陵湖錢塘擇山水之勝而放焉夫正平之

有才辯尙氣傲雖以身危漁陽摻搗至今有遺音矣
太白奴使奄宦不屑屑一時之寵榮而得罪以去錦
袍烏帽千載猶生先生不必同其遇而氣豈有異哉
宜其歌詩與之相類也先生名篁字在六一字潛菴
廣西太平府籍歲進士子之族高祖也所著有粵遊
草燕市歌淮揚雜詠卷帆集共若干卷藏于家旣卒
而後人哀遺篋所得也先生身通雜藝甚多以非所
重故不著或曰當先生時市僧中有孝子逆子各一

人歲旦先生率子翁拜孝子家而告其鄰即日屏逆
子使遠徙噫此亦豪逸之氣之一事哉族元孫清錫
拜撰亦知辭世錄精恭神榮共萃于卷蘇于案習卒
宜其期若與本賦賤也夫坐於堂中而兼豈亦異時
亦自致也亦京不似似似似似似似似似似似似似
亦自致也亦京不似似似似似似似似似似似似似

樂真道人記

秦子景淳字伊樸號質野一號樂真松陵人也其先
以詩禮傳家世為江南望族少孤家貧力學及長館
穀自給慷慨激昂尚俠氣親黨為之欽仰夫何潦倒
一生年踰四旬兩遭喪偶承祧未續僅遺二女撫養
遣嫁惟孑然餘身遂絕意功名杜門謝客不與外事
雖蔬食菜羹宴如也觀其容神采不足而意氣自若
鬚髯皓然而精力猶強無戚顏亦無喜色恂恂如不

能言者身處顛連窮愁無告而守正猶然故常與世
難合藐焉輕之亦不異責之亦怡然與人無忤與世
無爭藹乎其易親出語則字字率真動止則必循規
矩不戚戚於貧賤不役役於財利與人無少長貴賤
一以天真先生之與余居者凡十二年故能知之詳
迨我妹棄裝而先生遷故里往來於蘇又二十年而
先生之梗概終不少易故凡屬親舊莫不嘖嘖稱善
也其自號樂真者茲非其概與我因之有感於先生
之爲人故爲之錄其事而記之愚內兄張永芳拜撰

能言者身處顛連窮愁無告而守正猶然故常與世
難合藐焉輕之亦不與責之亦怡然與人無忤與世
無爭萬乎其易親出語則字字率真動止則必循規
矩不成戚戚於貧賤不役役於財利與人無少長貴賤
一以天真先生之與余居者凡十二年故能知之詳
迨我妹棄裝而先生遷故里往來於蘇又二十年而
先生之梗概終不少易故凡屬親舊莫不嘖嘖稱善
公為人姑試之誠其學而信之愚內以說承其法

醒園公家傳 凡矣深為之直而識之矣

吳有君子曰秦君醒園諱璿字瑞峯號醒園洞庭人
也孝弟修於家謹信著於鄉里名既藉藉矣何待余
言而後傳然其行事實有足以興起斯人而不得不
傳者焉可不亟為表章以白之於天下君性嚴重好
讀書躬行實踐不屑屑於詞章之學幼孤事母至孝
承勤儉之訓終其身不忘與兄敦天親之愛老而彌
篤兄沒撫二姪如己出祖父之喪四櫬未舉君經營

兆宅暨兄嫂亦並祔焉祠祔嘗蒸悽愴怵惕觀禮者
爲之動容治家一以先民爲矩矱家人婦子秉有道
之教終其身無間言糸出宋淮海先生居洞庭旣久
猶未建祠以奉其先先是兄文庵先生爲肇造之計
旋沒君及族弟道行任之並勸通族續捐以權子母
與時消息歲且二紀君沒道行克蕺厥事君雖未獲
觀成然創始之功實有由也從兄玉峯父樽未舉有
吉壤淪於他氏矣君爲之直而歸之從弟璣亡遺女
無依君撫而嫁之族黨中有不克婚葬者咸量力俛
助朋友死而無能自存者恒恤養其孤子急人患難
若不及遇事侃侃不阿能面折人過然受者久而忘
之以所言無不中理也諸無行者往往徙其所爲鬥
訟者質於君可否間無不帖服里之人不陟於公庭
者且三十年君出坐者起嬉者止婦孺亦皆屏息然
服其德非服其威也不惑二氏之說以福果干之者
弗顧君雖不在位然是非不悖於古人而可爲士大

夫之楷式者如此配葛孺人性淵懿君之孝友以逮
造家行善皆孺人有以相之稱之者曰不特君之行
可傳卽孺人亦可傳也吾友張君俟三君之親串也
知之特詳曰若君者庶幾孝友睦姻任恤六行咸備
者矣屬余作傳余與張君爲道義交識言之不誣也
覩縷其瑣事以想見君之大節人感德受春而
論曰周禮大司徒以鄉三物教萬民而賓興之故三
代人才靡不先德行而後文藝自科舉之學興一時

弋獲卽可致身通顯躬行實踐者往往老死田間目
爲鄉黨自好之士不知君子達則建功業以救時窮
則敦本行以澤物雖廣狹不侔其不私一己一也彼
僥倖以掇科名循資修格以至卿相俱其外焉者耳
求其中之所存與聖賢相去也遠矣君之行誼於六
行之教俱能一一而措諸行事使其得時而駕與古
之致君澤民者何如世之在位者咸能如君之所爲
豈第不曠其官已哉亟爲表之以愧世之擁高爵厚

祿而膜外以行其所有事者乾隆己酉秋杪

賜進士出身

教授文林郎翰林院典籍前常德衡州兩府教授楚資

年家眷弟二然蔡璨拜撰

道行公家傳

君諱用中字日建號道行宋贈龍圖閣直學士觀之
後也學士四傳諱宗邁者徙吳之洞庭故今世為洞
庭人君幼而端肅性仁孝生平萬獲聖賢雖不必守
轍循途而其行事靡不與之脗合蓋其天真完粹無
纖毫外累之乘有以介其中也事二親竭盡子職先
意承志事事得歡心乃已與兄美中同客於楚嘗謂
兄曰韓嬰詩外傳載孔門弟子感臯魚之泣辭歸以

養親者至一十三人我兄弟何心俱事遠遊耶遂促
兄歸於是兄弟往還省覲不離膝下及父贊育公沒
服喪盡禮時兄羈楚聞信奔喪歸身故羸弱涕泣過
哀而致疾延歲餘病益篤旋即捐館而葉太君愈增
悲慘君百方慰解久乃安之是以卒享遐齡之福山
之人惑於風水葬事多湮君二櫬未舉悲哀莫釋乃
倣司馬溫公之意而行之而不效他人之謹用葬書
妄求富貴者也宗祠未建君謀之族人捐貲生聚者

三十年庀材鳩工者又三年用蕝厥事旁有隙地悉
構廛舍得賃直以供祀事俾子姓世世守之亦皆所
以教孝也待族黨親串諸後輩一如己出訓誨栽培
咸能使之成立追原其朔孰非得君之蔭庇有以致
之也丙午歲吳中飢附郭之民咸蒙有司之賑洞庭
限湖波之阻不逮也君與鄉之有力者出粟以食之
大吏上其事爰得議敘然此第其可見之一端其餘
諸陰行善事固難更僕數也平日燕居默坐望之儼

然及卽之又如入春風之中久與之處未見其疾言
遠色桀驁者瞻其德容莫不氣奪意沮蓋其仁孝之
氣釀溢於中故能使人移易而不自知也年屆古稀
嗣君四人咸有父風孫枝長者亦見頭角子平之願
旣畢優游杖履不啻如神仙中人也余家梁溪梁溪
秦氏與洞庭秦氏同祖而梁溪之秦與余又姻婭也
故稔君之爲人甲寅秋余遊洞庭主秦氏新祠嘗屬
余作記今年夏君訃至以故不克臨弔然嘉其所行
爰爲之立傳以貽後人

論曰仁之道最大孝卽爲爲仁之本故論其極中和
位育莫非一仁之所推暨而成舉其端則散見於日
用流行間者皆得謂之爲仁之事有廣狹之分無彼
此之別也君之行誼於古仁人孝子何以加諸而濟
人利物又皆能本此以出之此卽朱子一坎二坎三
坎之說也天下無一坎未盈而遽達之二坎三坎者
昔東漢王憲言論風旨不槩之見荀淑至以顏子目

之豈得以未經世用不表見於後世哉時以乾隆六十年歲次乙卯仲夏

賜進士出身

誥授中憲大夫權四川按察使司甘肅甘涼兵備道前

工科給事中浙江道監察御史兼戶部郎中

欽點已卯科順天鄉試同考官

庚辰會試同考官

欽命甲午科四川鄉試監臨官

欽差督理七省糧儲戶部坐糧廳兼銅政河道年家眷

弟梁溪顧光旭頓首拜撰

之豈得以未經世而表見於後世哉時
乾隆六十年歲次乙卯仲夏

進士出身

授中憲大夫權四川按察使司甘肅甘涼兵備道前

工科給事中浙江道監察御史兼戶部郎中

點已卯科順天鄉試同考官

策樂齋題張獻帥首拜對

蓋督駐小營繼補武將坐懸飄兼險短既數年寒暑

枚謬公小傳

贊曰齋隱謬公樂處其樂樂其樂其樂其樂

雪巖予族兄也諱時昌字枚謬年六十有八而卒性
耽讀書不慕榮利好咏詩掉頭日夕不倦家始貧因
父惟清公善青囊術年逾杖朝遠近侍從不能稍離
兄爰是繼其業因藉之爲勝遊計凡名山勝水多所
歷覽此固吾兄意境之廓如而不合時宜之意正不
知非笑之爲非笑矣故嘗跡其生平行事挹其丰采
懸擬其爲人其掉扁舟設筆床備茶竈則甫里也其

同至天宗譜

卷五

枚謬公小傳一

三

承

尋山問水遇勝地輒流連不忍去則支遁也其戴幅巾雪裏尋梅吟哦不輟則襄陽也其翛然高寄不汲汲於富貴不戚戚于貧賤則又彭澤也他如剪韭邀賓臨喪助麥諸如此類指不勝屈而正不必為兄屈指也彬雖年少兄十餘稔而平日之所與往來共朝夕素所熟悉者大約如此至其所刊漁唱一集凡憂喜悲愉一發于詩不過什存其一豈足概其生平乎既為之傳爰作贊曰襟期磊落築也足居琴樽稍暇焚香著書一歌一咏當率其初吾行吾素永不負予

弟彬拜譔

銜字紹源號敬齋江蘇吳縣人也世居

庭西山會通諱鴻岸祖諱自璋父諱美中早世及
文諱用中皆以忠厚相傳又為士林推重公生而
悟好讀書不樂仕進門以內進雖蕭蕭以孝友稱
風骨嚴峻而心地和平嘗言規人過而人不怒人
敬畏之性恢廓好施予復人事如已事在律
不少執乾隆乙巳客遊至楚值歲饑民艱粒食公

尋山尚水過勝地輒流連不忍去則支道也其幾幅
巾雪裏尋梅吟哦不輟則襄陽也其儻然高寄不汲
汲於富貴不戚戚于貧賤則又彭澤也他如剪指
資臨喪助麥諸如此類指不勝屈而正不必爲兒
指也 雖年少兄十餘稔而平日之所與往來共朝
夕素所熟識者大約如此至其所刊漁唱一集凡
乘繼獲贈發于詩不過什存其一豈足概其生平乎
焚香著書愛梅賞菊徵率其味音律素來不尚乎

敬齋公傳

秦公諱世錡字紹源號敬齋江蘇吳縣人也世居洞
庭西山曾祖諱鴻岸祖諱自璋父諱美中早世本身
父諱用中皆以忠厚相傳久爲士林推重公生而穎
悟好讀書不樂仕進門以內雍雍肅肅以孝友稱雖
風骨巖峻而心地和平嘗面規人過而人不怨人咸
敬畏之性恢廓好施予視人事如已事往往罄囊橐
不少靳乾隆乙巳客遊至楚值歲饑民艱粒食公見

之惻然遂首倡捐貲碾米平糶一時好善者合力共成之當道慕公賢皆樂交於公公與遊總以公事相規勸語不涉私事當道雅重之浙西黃君省齋宰麻陽偶因公虧庫項四千餘金非其罪也大吏檄調省將付囹圄公與黃君爲耐久交聞之蹙然曰賢令尹不易得今若此吾奚忍坐視乎因出金如數償其虧黃君得免議詣公謝公曰吾第行所當行耳何謝爲黃君得歷官衡陽長沙所至有政聲迄今猶稱道不

衰醴陵邑侯戴君素重公公嘗與論吏治規畫娓娓不倦戴君悉書座右故其政績炳然得公之力居多一旦以暴病卒於官公私累累眷口留星沙不能作歸計公嘆曰何天之不祐善人耶倘存歿異視吾何以對戴君因爲之籌畫清釐并謀及衣食舟車之資俾嫠婦孤兒得返故土聞者感泣公之克全乎生死之交也如此其他行善事不可枚舉公娶麗雲公長女葛宜人寡言笑勤操作事翁姑以孝待妯娌以

和相夫子以道凡公拯人急難事必極力贊成之撫
子姪咸篤愛然自垂髫及長動以禮法相督責不稍
事姑息今均克紹箕裘蒸蒸日上公誠一邦之善士
而宜人亦一時之女宗也易曰積善之家必有余慶
蓋卽其祖父可知其子孫耳積彌久則發彌盛理固
然歟今公以長君潮候選州司馬誥封奉直大夫入
皆謂天之報施善人誠不爽也余曰公行善不求人
知其長君又與諸弟恪遵庭訓奉行勿替是誠以善

世其家者天之報善人也當不盡於此今觀其子男
四人孫男十人皆彬彬玉立自方輿而未艾也余與
公長君交最久知公事最詳不辭謗陋而爲之傳

賜進士出身誥授中憲大夫歷任陝西陝安兵備道雲
南陔西道翰林院編脩世愚姪余正煥頓首拜撰

知相夫子以道及公孫大急難事必極力贊成之
 子姪咸篤愛然自垂髫及長動以禮法相督責不稍
 事始息令均克紹其業然則上公誠一邦之善士
 南劉西登林烈辭前世愚致余五鼎願首拜
 進士出山請對中憲大夫忽卦刺西刺安吳刺
 公身受最及朕公等最精不獲隨風而為公
 斷人海良平人皆淋淋玉立自衣與而朱衣也
 知其氣存天必降善人必當不盡也此今傳其子

畊雲公傳辛酉公山谷式以籍山若平始報翁星

公諱世鈴字澧源號畊雲道行公第三子也公性孝
 友總角時即有老成志道行公病公時在楚聞信兼
 程而歸抵家道行公病正篤張目視公曰汝之樸誠
 我所知也今垂斃而有待于汝者以宗譜未修為耿
 耿耳汝能成我志則我願畢矣公泣而受命後公往
 來荆楚多卒卒未暇間歸里與族諸長議及此事未
 嘗不嗚咽歔歔戊寅歲因譜事家居彙議纂輯並致

司馬氏宗譜
 畊雲公傳一
 承烈堂

書於西峯松泉璘峯諸宗長之在楚者託其搜羅遠近廣爲采訪無如子姓繁衍支派日盛非積月所能徧未及覆而公遽逝矣故宗譜之輯公不及竟也公生平樂于行善凡鄰里以緩急來告者必調卹之而於敦宗睦族之誼尤惓惓焉嘉慶甲戌吳中饑我山尤甚公倡義首捐出粟若干斛山之殷實者亦踴躍相助事竣大吏奏請議叙道行公之創宗祠也傍有餘屋嘉慶辛酉公向各族長議出若干銀購餘屋爲

祥符公支祠並輯支譜蓋公之承先啓後至深遠也公生於乾隆癸未卒於道光辛巳年五十九嗚呼家乘續修功雖竣於身後事實倡於生前公之志成而道行公之志亦成惜乎公未之見也今譜事垂成故略述其梗概如此

人或時過女家問部見之莫不肅然起敬曰此所村

蔡節婦王氏也所以教其女者鍾法郝禮咸則古義

善於西峯松泉瑛峯諸宗長之在楚者託其搜羅遠
 近廣為采訪無如子姓繁衍支派日盛非積月所能
 盡求之西軒殊非野支致糾黨魁首特點及竟也公
 細察其野雖岐出鄰里以緩急來告者必賙卹之而
 嚴於公之志亦敢辭平公未之良出今辭事垂世道
 乘難於此輒難於良於事實歸於主領公之志則而
 公坐無諱劉突未卒然敢此筆身坐五未武勳初案
 預於公支師並歸支斷蓋公之承其志終至將經也

秦節母蔡碩人傳

節婦姓蔡氏宋秘書公之後世居銷夏灣龍山之坵
 村父野亭公母王孺人生二女節婦居次方節婦之
 在娠也野亭公邁篤疾不起時王孺人方盛年靡他
 自矢機絲泚洗砥礪操行撫二女嚴而不苛女亦婉
 婉率教節婦年十有七適同里秦德滋字公茂王孺
 人或時過女家間鄙見之莫不肅然起敬曰此坵村
 蔡節婦王氏也所以教其女者鍾法郝禮咸則古彝

節婦于歸之後凡事上接下展親睦族之道胥當人意此雖勉循姆訓而節婦之稟資純潔實有不可及者矣生子棨公茂有楚游越歲餘歸公茂與子棨俱疹痘公茂劇甚遂辭世節母年二十有二痛不欲生親郤以藐孤幼慰勉之乃長齋布衣一如其母孺人至於奉養舅姑終其身循循秩秩罔敢或怠康熙三十年辛未七月節婦年五十有一以疾壽終子棨遠游未歸媳鳳氏性宛淑節婦歿未浹旬以哀毀致疾

卒蓋痛盡厥姑之甚也節婦歸公茂時家業中落苦節三十年茹荼集蓼撫孤成立無一日卽安而不克享大年遠近聞之莫不太息或爲泣下然而節婦之志則慰矣經曰立身行道揚名於後世以顯父母孝之終也節婦以女流而立行芳潔使母孺人之德久而彌光復何憾乎余與公茂爲同宗節婦歿時偕諸宗人往奠族屬尊行酌酒下拜或以分止之僉曰德在則禮然節婦之足以服人如此余賤且陋文詞不

足爲節婦重姑紀其略以備後之留心名教者採擇
焉
論曰晉沈勁以父死逆亂立志致命以雪前恥宋文
信國忠貫日月而作史者有人間父子各君臣之恨
以知忠孝之懷父子不相及世濟其美丈夫難之况
女子乎若節婦母子可不謂賢乎嗚呼玉京孤燕歲
歲來歸而露屋草茆不獲載光彤史苦節不可貞道
果容歟嗚呼雖然幽蘭空谷無人自芳忠臣貞女之
志蓋不在區區之名矣若節婦者亦可以自慰矣
康熙辛未嘉平廿又四日宗人嘉銓頓首拜撰

論曰晉沈勁以父死通志立志致命以雪前恥宋文
信國忠貫日月而作史者有人聞父子各君臣之
以知忠孝之懷又于不相及世濟其美丈夫大難之
女子乎若節母者子可不謂賢乎嗚呼玉京孤
烈烈碎珠燕平廿次四日宗人嘉金勳首拜對曰
志益不忒國圖之冬矣昔前獻答亦何以自暴矣

秦節母沈孺人傳

秦節母沈孺人者洞庭秦君子聲之元配也少有識
度年十七歸秦君舅前歿姑蔡太君在堂節母執婦
道特敬歸十二年秦君病且不起節母年三十二子
一女尚幼詢節母所處以從死對曰汝死誠賢顧吾
母老子女幼孰若生而養且撫乎節母敬諾秦君沒
哭盡哀旋以門戶百艱乃茹酸起持家政事姑撫子
女孝慈有加先是秦君本貨殖列肆在楚南貨頗饒

迨歸倩人經紀計權子母得息可以贍其家及沒聞至則其人荒怠厥職將罄其貲節母聞之思欲赴楚捐其肆猶可得數百金奈姑老黃小熒熒不得往計無所出乃大慟度外棄之而資生無術爰盡出其釵珥衣裝售之得值以買田產勤於樹藝有桑三百株衣食纔足而操作益勵紡績恒至夜分率二子一女一燈熒熒課讀不少暇也蔡太君旣耄痛癢抑搔躬親盡至夜則同卧起往往日不交睫及卒含殮棺槨

事事如禮太君有二女適東西二蔡里俱貧節母并能節縮其仿以濟之並以濟鄰里鄉黨之無告者嘗云勤則勞心志而束筋骸儉則惜貨賄而淡嗜慾心志勞則神自清筋骸束則氣自鍊人之造家成業恒在勤也貨賄惜則不傷財嗜慾淡則不傷生人之集福致壽恒在儉也故嗣君璲璿自髫年以致成立咸遵節母之訓未嘗不以勤儉自勵云厥後以嫁以娶嗣君咸有幹濟才家事亦日隆隆起卒年六十有一

計守貞垂三十二年奉憲例耐主節烈祠族黨戚串皆歎節母之賢爲不可及也

贊曰吾吳中大家巨室席祖父遺業往往不嫻詩禮之教強者喜鬥訟弱者陷入聲色裘馬飲食之好而尤無良者則貪鄙嗇吝以市怨於衆未一再傳而敗其家若節母者識窺其大慮周於遠故能勤以起家儉以養德并能以推解濟其鄉人以視夫凌暴奢靡刻剝之輩相去奚啻以道里計此其行誼卽求之士

大夫之中非僅保家之主抑亦一鄉之善士也巾幗中豈易得哉亟爲表之以諷世之擁厚貴而不識大體者

賜進士第

敕授文林郎翰林院編修迭掌鍾山敷文兩書院年家眷弟臯里楊繩武拜撰

許守貞至二十二年卒感例前主節烈祠奉祀
皆歎節母之賢為不可及也
眷求臯里跡跡元耗對
節母徐氏傳略

節母

文林涖涖林涖涖
山德文兩書刻手案

節母

士節者則食部香各以市怨於宋末
再傳節母

節母若節母者識其大感用於遠故能動以悲
中豈是節若節母者識其大感用於遠故能動以悲

節母若節母者識其大感用於遠故能動以悲
中豈是節若節母者識其大感用於遠故能動以悲

節母若節母者識其大感用於遠故能動以悲
中豈是節若節母者識其大感用於遠故能動以悲

節母徐氏傳畧 而與賦焉皆宜平兩貞味冠愛血

甚矣婦人之不幸而早喪其所天也甚矣婦人之不

幸喪其所天苦節守貞而未獲邀褒旌之典也此其

姓氏宜上之 德亦即公天為洪其列宜置於節母

朝

庭列之郡邑志以為閩里榮况誼切本支分關族屬

有不樂表其懿行哉節母徐氏者吾宗西洞庭在明

公諱光焜配也在明公卒時母年二十餘屢欲以身

殉家人護持之母曰我非不知撫孤大義也奈未有

呱呱者何族黨咸曰嗣子卽子也何不可以長以教
母始領之于是以在明公第戒三公長子邦宜爲嗣
然家綦貧無以度朝夕母辛勤紡績嚴寒酷暑不少
休凡邦宜所以衣食及從師讀書費皆出母十指且
儲其餘蓄營葬在明公弁爲邦宜授室置產俾有所
倚賴以爲生當母之爲嫠也戒三公夫婦相繼早亡
遙室江抗志守節伶仃孤苦撫嫡出子至於成人似
感于母之風尙而興起焉者宜乎兩貞相依愛逾骨

肉里黨中咸嘖嘖不置也乃江旣以壻之力請于

朝而建功于門矣母之苦節幾五十年與江後先輝
映而未有以其事上邀旌典者此子所以感慨而爲
之傳也今母之孫也愚先生以醫術行世寓于我邑
頗有志於斯舉他日音鳥韻碑楔赫奕門閭使母之
芳名與江氏同其不朽不億宗譜中略載守節若干
年儕于節婦之大凡也豈不懿哉母以乾隆戊申卒
上距丁卯歲在明公卒時已四十七年壽七十有一

遽棄之不忍冀女君之知我也今已矣妾終從夫子死耳蔡知其不可奪乃好語慰之是時節婦年十有七蒿簪布裙佐嫡撫楯遺稚凡箴管揮椀汜埽饕爨之役一以身任之其餘力治蠶織用俵衣食嫡倚之如臂使指也已而嫡亦死遺子浩飛寢成立節婦乃哀平日女紅所人鉢寸之積助浩飛舉祖若父兩世喪營善地窆焉晚年父貧益甚告之嫡子迎於家孝養終其身所生女字東村徐明理余友也乾隆五十

八年節婦年五十四距戒三之死三十八年矣浩飛將以節婦守志狀白大吏上於

朝屬明理乞余傳其畧余徵之洞庭之人人人知明理之所述也信因不辭而書之

論曰士各有志志之所在雖君父之命有時勿顧何者重輕判而取舍決也秦節婦秉不二之義拒夫子後命卒之閱歷數十年而粹然純白歿存均諒焉於虐誰謂弱女子不志士若哉

賜進士出身內閣中書舍人元和蔣廷恩拜撰

命卒文閱歷幾十年而粹然歸自楚鄂以詩書
香重神降而短舍幾出秦海賦策不二文鑑非夫
備四士各育志志之德亦繼深文之命亦執以爾
文海遊世計因不稱而壽之乎浩飛寢成立節婦
贈風則世之全與其壽余猶文雖或文人人嘆嗚
洪以節誠安志非曰大吏士然告之婦子迎於家
公平論誠非正古四職賦云文則三長八處

秦節婦周氏小傳自祖隔後雖本主麻其收斂故

節婦周氏字秦萬里子德溶纔十齡以養媳歸秦秦

翁姑婉婉聽從如在父母側也與德溶年並少居室

相莊如賓後德溶出嗣世父萬仍且遠習賈不歸氏

日事紡績霜晨蚊夜不少輟間市酒脯佐翁姑膳奉

盤匱必誠必敬會翁歿德溶歸葬時已出家木瀆某

寺念佛茹素並受三壇大戒曰吾有幼弟可以養母

無勞汝為也汝年方三九宜早自為計分田三畝任

同匡氏宗譜

卷之二

節婦周氏小傳

三

承恩堂

汝作行資耳節婦聞之大慟知絕望于德溶矣乃設
誓曰處子守節如古人亦恒事况姑在卽母在也吾
其以女終乎嗣是德溶亦時來省母婦與相見惟涕
泣無他語越十餘年德溶病且死婦徃省之惟囑以
生異室死同穴二語蓋知婦之矢死靡他也迨德溶
櫬歸毅然言於衆曰夫絕我於生前不絕我於身後
我忍使我夫無婦且使我翁始無冢婦乎於是稟諸
姑并告其兄嘉年自服副笄抱木主廟見如禮始儼

然以婦道自處矣喪三年未畢始又死哀毀特甚訓
其幼叔暨娣謹嚴有禮嗣子文楡係族叔景鴻出幼
有癩症時發時止節婦恒爲買布縷營醫禱冀以延
其夫一綫之傳于未絕也厥後文楡又有嗣子而節
婦之結念稍釋乃始長齋綉佛以終其天年嗚呼如
節婦之矢志亦可悲矣弱齡而辭父母終其身一處
子耳可謂真女子守節七十餘年身歷三代養生送
死無憾其餘婦道更奚忝哉性同松直志偕霜清苦

節可貞名壽不朽又年至九十三乃卒期盡好禮門庭無間言易簣蓋棺志節始完宗族鄉黨衆論允定嗚呼若節婦者詎僅閭里之榮抑邦家之光也余傷節婦之砥節陋巷而名湮沒不彰故詳訪其生平梗概爲詮次若此猶欲以俟當代之秉史筆而發幽光者庶有所採擇焉

乾隆五十四年中秋前三日桃溪陳夢鼎謹撰

節母程氏

人事畧

節母程氏族高高祖心齋公之副室也母本歙籍開昇公其父也年十九心齋公聞其賢聘爲副室時心齋年踰六旬長子重三娶鳳氏無子而重三以病卒公是時方抱西河之痛而母卽懷孕心齋公心竊喜彌月分媿公名之曰重毅字廷臯姿容秀偉孩提時穎敏異常兒公之志乃大慰年甫六齡而心齋公又沒時節母年祇二十有八悲號痛甚誓以身殉因欲

絕食而吳太孺人以理論之曰汝卽棄余及寡媳而
殉柰茲藐孤何吾夫易箒時諄諄以此子囑余與汝
曰此藐爾者祖宗祭祀所重賴也言猶在耳詎忘諸
耶母聞言收淚謹奉命進食自後盟心誓水期無負
所託焉家甚貧備極荼苦一門三寡晝夜紡績供餽
粥外延師訓子以至成人迨吳太孺人沒母並經營
喪葬及子冠婚事以養以教母道而兼父道蓋母少
卽知書講明大義故冰霜志節終其身如一日母真

無負所託哉後廷臯先生遠服賈家稍裕母因父母
貧老無依迎至家終養餘年則更屬無忝所生矣母
卒於嘉慶丁卯十月初一年六十有三上距心齋公
之卒時守節三十有六年嗚呼稽古秦漢以還所謂
託孤寄命臨大節而不可奪如霍子孟諸葛孔明其
人史冊間指難三四屈焉孰謂有以巾幗鬚眉如程
孺人者擔荷綱常立維撐柱雖古君子亦何多讓焉
乙酉夏會有修譜之役璿忝在紀錄列得悉聞節母

之志行若此竊恐其久而失傳也故特錄其梗概一
以增譜牒之光一以俟翰軒之採云爾非溪族雲孫

元璿頓首拜撰 三四風流聲聞首以市脚鼓吹鼓

指飛春命朝大韻而不可奪收靈至孟諸葛氏則其

卒知守節三節首六季與到節吉泰對以數也爾

卒外惠靈江根水以時六季末十許三士事心靈公

實李無於慈至寒於養領亦思更鳳無亦似主矣世

無負也請對於哀具伏坐鼓鼎買泰誰能母因父母

秦節母葛孺人傳

節母姓葛氏洞庭銷夏灣望族也幼嫻內則年十八

歸賜塢秦學武干城敬戒無違閱五年干城疾葛氏

焚香顛天願以身代及疾革干城屬以立孤為重葛

氏悽然曰君言及此妾敢隱忍而不言君未有子吾

何恃而能自守耶適有不諱早辨一死耳干城曰不

然向者吾伯祖公靜公無嗣繼吾為孫今吾死而汝

在可俟猶子之承祧若汝亦死是絕公靜公之後也

必不可葛氏含淚敬諾時年方二十有二家徒四壁立葛氏飲冰茹蘖勤紡績課針黹雖盛暑嚴寒未嘗少懈十有餘年干城從弟竹齋生子元焰葛氏請於族躬親撫養恩勤備至少擇師長擇配配以鄧氏之女人方幸公靜公有後皆母之苦節所致也而母時抱隱憂爲其子之幼弱無何元焰以疾死媳亦相繼而逝節母呼天長慟更不欲生曰吾昔者重違吾夫意守節四十年備嘗艱苦今宗祧依然無主何以見

吾夫於地下從姪元杰泣慰曰母之所深痛者叔氏臨歿之言耳爇等有子母卽可以抱孫夫何患母意稍安歲辛酉節母年六十有二爇叙其畧垂請於子予惟母之苦節上可以邀

錫典下可以光家乘而爇等方以湮歿無聞爲憾故爲之傳

傳曰史稱死節易立孤難立孤於十年之後則更難孤旣成人授室而旋歿報劉有待則尤難葛節母豈

為其難者嗚呼可謂難矣元燭昆季亦明於大義人哉曰史補張德長立所難立所公年平之幼則更難

嘉慶六年歲次辛酉八月下浣

賜進士出身翰林院庶吉士年家眷侍生徐華嶽頓首

拜撰

節婦沈氏西澗母年六十有二歲其夫早逝其子幼而失學其夫死後其子亦死其夫死後其子亦死其夫死後其子亦死

秦節婦沈孺人傳

節婦沈氏吳縣西洞庭沈二亭次女也性柔順不苟言笑適同里秦公錫先是公錫嬰沉痾轉側牀褥悶起立須人扶將節婦來歸凡湯藥爬搔下至溲溺咸謹事之不為苦如是者彌年及病革焚香籲天願以身代公錫竟不起乃前白翁始曰新婦年少且無子當從公錫於地下恐不能復事二老矣幸善自保愛言未竟淚泫泫下翁始諭之曰若無子吾獨有子乎

若死其如吾二人何吾二人且將以此身累若也因
相對哽咽節婦始不復言死代子職焉翁既自傷焚
獨又念所以慰新婦者乃置妾連舉兩子約曰天苟
哀秦氏此呱呱者得至成立其必以首子爲公錫後
無忘吾治命也久之翁姑相繼卒婦擗踊絕粒一如
前哭公錫時喪葬歲事家日落是時庶祖姑庶姑在
堂二叔在抱厨無宿炊仰屋而歎婦悉出其奩篋易
升斗不足則以女紅佐之集蓼茹荼搯拄門戶者幾

三十年其間冠昏喪祭尤嶄嶄有儀法宗族里黨咸
歎息以爲難節婦年十九而寡守貞三十五年卒于
道光壬午年五十有三嗣子崑源叔金堂所出從翁
志也

魯頌曰予既傳節婦山人復言其庶祖姑江氏先以
節著得旌門焉因思婦之貞白自矢艱苦備嘗雖其
天性使然而江氏殆亦與有力也夫闡揚潛德垂之
永久者士大夫之事也搜羅幽躅俾得膺

天子之寵榮維先王之風教者良有司之責也今節婦于例當得旌于事爲徵實而烏頭綽楔曾不得與江氏並何以慰貞魂而勵末俗耶嗟乎洞庭地不百里而數十年間秦氏一門乃竟得兩賢婦哉抑亦榮矣魯頌拜讓

節母李氏傳

節母李氏族祖象清先生繼室也先生以讀書積勞早卒母時年二十六奉遺言撫兩雛承宗祀家本清貧自是益不給母晝夜紡績藉供饘粥門以內清規肅然宗黨以爲有貞母周氏風云貞母者族高祖禹功配以室女守節七十餘年族中無少長皆稱其賢者也母既貧洵汲之事親操之冬寒冰滑失足墮河家在市廛爲號救者盈兩岸或引手來援母視非人

叱去之蓋雖死生呼吸中其心炯然不亂此非定識
定力不能也母垂斃矣叔娣周氏者聞之亟來視而
不能救適族子某至周謂之曰汝亟救之母張目識
其人始扶掖以起當是時周何以知母之志而某之
必可救耶夫周亦吾宗之賢母也夫子韻清先生遊
幕數十年音耗時阻辛苦艱難與母同室操作互相
敦勉而某又近支姪行是其命以救而果得救也母
自被溺起病月餘始瘥終撫兩孤成立不負先生遺
言年七十餘卒家仍貧旌門入祠之事俱不克舉嗟
乎當沉淪汨沒時鄉人或議其不知通變此特欲以
宋共姬女而不婦相例耳豈知共姬可不待姆而嫠
婦不可不恤緯古之人所以有被牽而斷臂者子悲
母之明於大義有古烈婦用心而或不識也故特表
而出之以爲宗族光云

嘉慶丁卯春三月族孫清錫拜首謹撰

此去之益... 嘉慶下... 而此之... 將之... 戰不... 宋其... 平... 言...

秦君山桐傳 子少山附

忠孝節義者天地之常經生民之要道所以維持名教而為萬世綱常之準也是故事親則為孝子事君則為忠臣安常處順則全受全歸履險蹈危則致命遂志自粵匪倡亂以來騷擾者十餘年蹂躪者數千里其間文武臣工臨難殉節者不可勝數至鄉曲之士未受朝廷一命之榮而能奮不顧身禦災捍患舍生取義視死如歸若秦君父子者不亦戛戛乎其

難哉君諱蘭墀一名鴻壽字芬餘號山桐江南震澤縣人家邑之韭溪少業儒喜讀岐黃書遂棄舉子業專精醫理掃除一室左圖右史宴如也生有至性母病嘗割肱和藥以進病乃瘳事載平望志咸豐十年四月粵匪竄至平望韭溪與平望接壤是時君年已六十矣約鄉黨同志爲禦賊計子福田號少山素勇敢命爲前部日事戰鬥先後殺賊甚多五月十日賊大股至福田先陷陣君亦持刃守隘自寅迄巳賊四面攻圍眾遂潰福田猶攘臂連斃數賊力竭被戕君身受重傷逾數日卒事聞賜卹如例

論日記有之事君不忠非孝也戰陣無勇非孝也君嘗割肱以愈親疾矣一旦見義必爲見危授命其素所樹立然也而子復能勇於赴敵卒以身殉忠孝之行出於一家嗚呼足以傳已

同治三年歲在甲子孟冬之月當湖賈敦艮拜撰

同舍三平號五甲午孟冬之月嘗賦賈淳及秋
 行出外一家部判足以專與
 洞樹立然也而于其前復然故猶卒以良願忠孝之
 齊佳也以此愈勝矣一旦良善必為其命其素
 備日詣育之事吾不忠非幸也雖朝無更非幸也吾
 願也故同
 良受重為命也日卒事聞後我賦以家五月十日
 西交國風遊費蘇田餘對習垂獲其想代賦楚樂皆

秦君秋原傳

士生不幸遭亂世阨窮鄉欲馳驅以報國無尺寸之
 柄欲保聚以衛民無升斗之儲惟有挈眷流離學張
 儉之亡命耳若夫草茅仗義不以成敗挫節不以生
 死奪志不顧親乃不辱親不顧身乃不辱身此其浩
 然之氣於國為義士於家為孝子實足以褫逆賊魄
 而壯湖山色也吾用是唏噓濡筆而誌秦君殉難事
 秦君名廷寶號秋原震邑庠生幼穎敏祖靜山公教

以四書毛詩及禮義廉耻忠信孝悌大綱則皆拳拳服膺祖喜曰兒有夙根耶弱冠遊庠益肆力於經史文詞江山夷險河渠通塞輿圖沿革諸書故與談古今政治得失用兵制勝險要如瞭諸掌觀其所著非溪小識足補史乘之缺略見全豹一斑矣家貧色養太君秀峰公吳太孺人雖有時雞黍不充而登其堂夫敬婦恭入其室晨馨夕潔宗黨咸稱孝子焉性沉毅寡言見義勇爲咸豐癸丑金陵失守有庠生朱江

二人浮家避難非溪爲里豪所窘君慨然曰此吾黨也何至是傾囊送至湖郡之姻家陳姓處庚申春省垣旣陷豺狼充斥君與陳秀發沈孚卿二君倡爲鄉團之舉與賊大小十餘戰賊鋒少挫而親友之竄徙過溪者猶款留饗殮剜肉醫瘡無倦色迨天中後五日賊四面奪橋度勢不能支先至家部署舟楫扶父母攜妻小弟妹俾且竄避邀之同竄則疾走徐答曰兒尙有事遙望烟焰蔽天曳兵而走者如潮如沸賊

亦追踵而來不覺毛髮倒豎唾其面曰我朝廷何
負汝汝敢反耶明有法律幽有鬼神不就縛我湖郡
援兵至寸寸磔汝賊眾羞怒白及交飛身中數十鎗
大呼天地君親師者再赴水而死年纔三十有七配
周氏續陳氏再續吳氏俱無出以胞弟廷亮長子兆
熊爲嗣

論曰余未識秋原識其族叔祖元文言行篤實君子
也中興初同客舜湖杯酒論文暇輒揮涕道其慷慨

殉難如此學識胆力如彼嗟乎使其効一官保一邑
與文臣不愛錢武臣不惜死者同仇敵愾或不至糜
爛蒼生至是也乃徒手而呼草莽朽木而支大厦全
乎義士全乎孝子卒至以一介書生而祀昭忠祠
嗣子兆熊復得世襲雲騎尉亦可謂哀榮並至矣遂
不揣謫陋而爲之傳

時

同治丙寅花朝後五日平湖世愚弟賈敦良拜撰

